

兵部則例



兵部則例

武庫清吏司

武科

一武鄉試事例。順治二年題準。武鄉試定於子



卯午酉年十月舉行。各省武生。該州縣給文。由布政使司造冊。彙送監臨主考官考試。照額取中。○又題準。順天武鄉試。由部遴委滿漢司官各一人為提調。外場監射官四人。由部將司官遴委。外場考試官四人。將送到內大臣。大學士。都統。職名開列。監試御史二人。將送到滿漢御

史職名開列。內場正副考試官二人。將送到編檢職名開列。受卷彌封官四人。將送到進士舉人出身之員外郎主事。中書評博。國子監助教。守部進士舉人。并行取主事職名開列。均於臨期密題請旨簡用。至同考官四人。由吏部將應開列各官職名。密題請

旨簡用。監門巡緝搜檢官兵。及金鼓旗角等項。由順天府咨呈到部。行巡捕營分撥備用。○又題準。各省武鄉試。以本省巡撫為監臨主考官。同知以下。知縣以上。科甲出身者。遴選四人為同考官。○又題

準。武鄉試內外場考試及執事各官。需用筵燕供給。并銀牌金花杯盤表裏筆墨心紅紙張等項。在京由順天府照例行文各衙門支取備辦。事竣覈銷。在外聽巡撫酌量於司庫支取備辦。事竣覈銷。○又題準。武鄉試上馬燕插花給表裏下馬燕插花。均照文場例。○十六年題準。直隸各府奉天府及各衛武生。均歸順天府鄉試。○康熙十七年題準。直省中式武舉試卷親供。限出榜後十日內。解部磨勘。○二十三年題準。武鄉試中額。順天百四十名。山東六十名。山西一百十名。河南六

十名。江南百六十一名。江西四十四名。福建五十名。浙江五十名。湖廣五十名。西安五十名。甘肅五十名。四川四十二名。廣東四十名。雲南二十七名。貴州二十名。廣西人數不足不設科。俟應試人多。再定中額。○二十六年覆準。順天等府取中百八名。漢軍四十名。奉錦二府三名。其各省照文舉額數。山東四十六名。山西四十名。河南四十七名。江南六十二名。江西五十七名。福建五十四名。浙江五十四名。湖廣五十名。陝西二十名。甘肅二十名。四川四十二名。廣東四十三名。廣西三十名。雲南

四十二名。貴州二十名。○又覆準。直省中式武舉試卷。停其解部磨勘。○四十九年覆準。陝西甘肅原取中式武舉各二十名。今於原額外。各增中十名。○五十二年議準。新中式武舉內。有弓馬不堪。人材不及。技勇不合式者。將考試官。照文科場例議處。○雍正二年覆準。湖廣分南北二闈鄉試。武生中式。原額五十名。湖北湖南各分二十五名。○又覆準。陝甘武鄉試。再增中額各十名。○七年奉

旨。各省考試武舉。例用該省巡撫為主考官。其閱看文字。則用屬下舉人進士出身之同知州縣等。為同考官。朕

思各省巡撫多有平日未曾學習騎射技勇者。忽司銜鑒之任。何以評定舉子外場之優劣。從今科為始。各省巡撫考武舉時。著就近省城之提督總兵官一人同考外場。秉公拔取。務令得人。以光大典。若提鎮駐劄路遠。或因公他出。則令總督或提鎮遴委副將一人代之。○又覆準。武鄉試中額。湖南減一名。四川減二名。廣東增一名。貴州增三名。○十年議準。山西止有巡撫。江西。湖南。廣西。貴州等省。雖有總督。均係隔省。應令巡撫監臨主考。會同提鎮校閱馬步射技勇。其江南。福建。浙江。湖北。四川。廣東。雲南等省。頭場

二場。照例巡撫會同提鎮校閱。總督親往監臨。以重體統。至三場。仍以巡撫為主考。○十三年

諭。順天武鄉試正副考官。向例止開列編檢。嗣後著將開坊翰林官。一并開列。欽此。○乾隆元年

諭。陝甘之人。長於武事。其人材壯健。弓馬嫻熟。較他省為優。向來武闈鄉試中額。每省各四十名。應試之人。每以限於額數。不能多取。其如何量行廣額。取中之處。著該部議奏。欽此。遵

旨。議準。陝甘二省。每省原額取中四十名。今酌加十名。各取中五十名。○又題準。順天武鄉試。向例止有

御史二人監試。但既分天地黃宇四圍。考校馬步射技勇。監試御史應增二人。每圍以一人監試。○又覆準。武鄉試向例於十月初九至十二日考試。馬步射技勇。為期甚迫。嗣後武鄉試外場。應於十月初七日為始。大省人數多者。於初五日為始。考試馬步射并技勇。十三日入闈。十五日考試策論。○又覆準。武鄉試考試馬步射之期。天晴無雨。仍照定期考試。若遇天雨泥濘。準令暫停。俟晴朗再行考試。仍將展限緣由題奏。○九年覆準。武生有年屆六十以上者。不準入鄉試場。

一武會試事例。順治二年題準。武會試定於丑辰未戌年九月舉行。揭榜之日。由部堂官攜印入場。鈴榜。張掛部前。○又題準。武會試之年。豫期通行直省督撫。除武舉內已經推選。并丁憂有事故者。不準會試外。其餘於四月以後。八月十五日以前。悉行給發文批盤費。赴部察驗。準其會試。○又題準。會試之年。六月內。由部遴選滿漢司官各二人。開列職名。題請簡用滿漢各一人。提調會試事務。知武舉官一人。將本部左右漢侍郎職名開列。外場考試官四人。將送到內大臣。大學士。都統。職名開列。監試御史四人。將送到

滿漢御史職名開列。內場正副考試官二人。將送到內閣。六部。都察院。翰林院。詹事府。各堂官職名開列。同考官四人。將送到進士舉人出身之給事中。郎中。員外郎。主事。職名開列。收掌試卷官。將送到中書科。中書職名開列。受卷。彌封印卷等官。將到本部。漢司官。遴委。監門。巡綽。搜檢。供給等官。將門千總。及順天府。送到各官。遴委。均於臨期。密題請旨簡用。○又題準。武會試策論題。部委司官一人齎奉。交內閣恭

進。其揭曉日期。豫行題明。於是日將場內。謄繕題名

錄。由部堂官恭

進。○又題準。武會試於九月初四日。外場考試等官。在部筵燕。應用一等席十有二。看席一。二等席六十七。

十三日內場考試等官。在部筵燕。應用一等席十。看席一。二等席二十四。三等席十有六。發榜次日。內外場考試官。在部筵燕。應用一等席十有四。二等席二十五。三等席十有六。行文光祿寺。豫備。筵燕作樂。行文樂部。鳴贊官。行文鴻臚寺。各照例豫備。其

賞賜內外場考試等官表裏。行文戶部支取。銀牌金花。杯盤。行文工部支取。○又題準。武會試中額取中

二百名。○康熙三年題準。武會試取中一百名。○三十三年覆準。武舉於頭場二場合式之後。試第三場策論。將直隸。山東。山西。河南。陝西。定為北卷。取中五十名。江南。江西。福建。浙江。湖廣。四川。廣東。廣西。雲南。貴州。定為南卷。取中五十名。○三十六年題準。各省武舉來京。如過九月初五日投文者。不準會試。○五十二年

諭。近見直隸各省武進士額數。或一省偏多。一省偏少。皆因不知其所學弓馬武藝。止憑文章取中。以致弓馬嫻熟。學習武藝之人。多有遺漏。嗣後考取武進士。不必拘定額數。

俟天下會試武舉。齊集京師。著該部將各省赴試到部武舉等。照例考試弓馬。將合式武舉等實數。察明豫行奏聞。朕計省之大小。人之多寡。照考取文進士例。按省酌定取中武進士額數。考取之時。就本省卷內。擇其佳者。照所定之數取中。如此。則弓馬武藝好者。不致遺漏矣。欽此。○又議準。會試武舉。由部會同外場考試官。考試外場完畢。即將八旗漢軍。及直隸各省合式武舉實數。并注記弓馬好者。分晰開明。繕摺具題。請旨定取中名數。○雍正二年

特恩。賞給落第武舉盤費。四川。廣東。廣西。雲南。貴州。每人賞



銀十兩。江南。江西。福建。浙江。湖廣。陝西。每人賞銀七兩。直隸。山東。山西。河南。每人賞銀五兩。○五年諭。今科落第武舉。八旗直隸。密邇京畿。不必賞賜。其各省落第武舉。每人賞銀四兩。○乾隆元年覆準武會試。向例於九月初七日起。至十二日止。考試馬步射技。勇。爲期甚迫。嗣後武會試外場。定於九月初五初六初七等日。考試馬射。初八初九初十等日。考試步射技。勇。十一日。將合式武舉內。復加簡選好字號。十二十三等日。收卷。填明籍貫履歷。十四日。將試卷移送貢院。外簾各官編號點名。十五日。考試。

策論。○又覆準武會試考試外場。若遇天雨泥濘。準奏明展限。○又覆準武會試內外場考試官。及各執事官。需用供給。并筆墨心紅紙張等項。向由部於戶部支銀。并支米麵。給發大宛兩縣。五城坊官。承領供應。但文會試一切供給等項。均係順天府承辦。嗣後武會試亦照文會試之例。今順天府赴戶部支領承辦事竣。照依時價。及用過實數。徑報戶部覈銷。如有不敷。徑赴戶部補領。至刊刷會試錄。登科錄。需用之銀。順天府即於所領戶部銀內。解部應用。統於動用項內報銷。○四年覆準文。

會試有監試滿漢御史六人。至內簾監試。又有滿漢御史二人。惟武會試止用滿漢御史四人。外場監試後。即入內場稽察點名散卷等事。並未設有內簾監試御史。是以內龍門均係主考官親視啓閉。但主考校閱策論。不便兼管別務。應增御史一人。在內簾監試。視內龍門啓閉。并稽察一切事務。再武會試舉子。雖不及文會試人數之多。而受卷彌封。向各委官一人。未免過少。應各增一人。○五年覆準。武舉領得會試盤費。除人文皆不到部。及文到人不到者。仍行追繳。若行至中途有患病丁憂者。取具

該地方官印結報部。或已到京投文。後患病丁憂者。取具同鄉官印結報部。均免追繳。○十八年覆準。武舉年屆六十以上者。不準給與文批會試。

一武鄉會試兼行事例。原定鄉會試外場。頭場試馬射。立的三。用席筒爲之。各距三十五步。縱馬三次。發九矢。中四者爲合式。二場試步射。立大鵠。一高七尺。濶五尺。以五十步爲則。發九矢。中二者爲合式。又以八力。十力。十二力弓。八十斤。百斤。百二十斤。刀。二百斤。二百五十斤。三百斤石。試其技勇。弓必開滿。刀必舞花。掇石必去地一尺爲合式。合

式者。再令步射布侯。馬射毬毬。○又定。順天武鄉試及武會試。皆分天地黃宇四圍。考試馬步射技勇。鄉試外場考試官。會本部侍郎。順天府尹。府丞及御史。分圍考試。會試外場考試官。會本部尚書侍郎及御史。分圍考試。○又定。順天武鄉試及武會試。外場考試官。將馬步射技勇。并人材可觀者。選取暗記。分別單好雙好字號。密開姓名。交監試御史。令提調印卷。彌封等官。別編單好雙好字號。移送內簾。內簾取中。先於雙好字號試卷內。擇其文理通順者取中。如不足數。即於單好字號試卷內取中。

再不足數。乃於合式試卷內取中。○又定。順天

武鄉試及會試。所有論二篇。策一篇。均由內場考試官出題。各省鄉試由巡撫出題。○康熙四

十一年覆準。武場立空白印冊二本。第一場馬射合式者。於面上用印記時。令本人親填籍貫年貌。第二場合式者。仍令本人親填。對其字跡相符。準入三場。并將親填冊封貯。至折號之時。將本人中式策論墨卷。與前冊磨對字跡。如有不符。作弊顯然者。褫革察究。○四十八年

諭武經七書。朕曾閱過。其書文義多駁雜。不能皆合乎

正道。孟子云：仁者無敵。又曰：天時不如地利，地利不如人和。與其用權謀行師，曷若以王道行仁義之為愈也。前此征三逆，取臺灣，平定塞外蒙古，朕親經理軍務，且曾躬歷行間，深知用兵之道。如七書所言，安可盡用耶。今於七書中作何分別出題，及增用論語、孟子出題之處，應行定議。欽此。遵。

旨議準。嗣後鄉會試三場，作論二篇，時務策一篇。其論

第一篇以論語、孟子出題，第二篇以孫子、吳子、司馬法出題。至考試生童，亦照此出論題。止令作論二篇。○又議準：直隸各省綠旗營兵，有通

曉文義，願應武鄉試者，在充伍地方，令該管官申送。同武生一體鄉試。於原額內取中。如不中，仍令歸伍。見任營千把總、門衛所千總，并年滿千總，有通曉文義，願應武會試者，令該統領督撫提鎮咨送。年滿千總在京候推者，由部臨期出示，令其自行赴部具呈。同武舉一體會試。於原額內取中。如不中，見任千把總，仍歸原職。年滿千總，仍候推。其兵丁及千把總，如鄉會試中式之後，有願歸原職原伍者聽。○是年

諭。朕觀八旗漢軍人等，用於文職者多，而用於武職者

甚少。嗣後武鄉會試亦著八旗漢軍人等考試所增額數不過數名。可以收勇健人材之用。於武科甚為有益。欽此。遵。

旨議準。嗣後八旗漢軍內府旗鼓佐領下未入流筆帖式。庫使。由官學生補授之外郎及閒散人等有願考試武生者。該旗開具姓名。移送順天府照例申送學政考取武生八十名。鄉試時將所取武生并中書及部院衙門六品七品八品筆帖式。不論上朝未上朝廕生監生以及監生之驍騎。護軍。領催。拜唐阿等有願應武鄉試者。該

并唐阿改執事人

取中

旗亦開具姓名。移送順天府與武生一體鄉試。取中四十名。不中者仍令當差會試取中八名。均照文場別編合字號。○五十一年議準。本省見任官子弟。臨期頂食名糧冒濫入場中式者。將保送出。結官降二級調用。轉結官降一級調用。○五十三年議準。文生有願改入武場武生有願改入文場者。照文武生員鄉試例申送鄉試。文舉人有願改武場。武舉人有願改入文場者。亦照文武舉人會試例申送會試。中式者各造入新冊。不中者仍各歸入文武原冊。不準再

甚少。嗣後武鄉會試亦著八旗漢軍人等考試所增額數不過數名。可以收勇健人材之用。於武科甚為有益。欽此。遵。

旨議準。嗣後八旗漢軍內府旗鼓佐領下未入流筆帖式。庫使。由官學生補授之外郎及閒散人等有願考試武生者。該旗開具姓名。移送順天府照例申送學政考取武生八十名。鄉試時將所取武生。并中書及部院衙門六品七品八品筆帖式。不論上朝未上朝廕生監生。以及監生之驍騎。護軍。領催。拜唐阿等。有願應武鄉試者。該

旗亦開具姓名。移送順天府與武生一體鄉試。取中四十名。不中者仍令當差。會試取中八名。均照文場別編合字號。○五十一年議準。本省見任官子弟。臨期頂食名糧。冒濫入場中式者。將保送出。結官降二級調用。轉結官降一級調用。○五十三年議準。文生有願改入武場。武生有願改入文場者。照文武生員鄉試例申送鄉試。文舉人有願改武場。武舉人有願改入文場者。亦照文武舉人會試例申送會試。中式者各造入新冊。不中者仍各歸入文武原冊。不準再

行改考○雍正元年覆準八旗滿洲亦照漢軍  
考試武生武舉之例武生取四十名武舉取二  
十名○又覆準文武鄉會試錄事同一例文場  
試錄例既刊刻武場試錄亦應照例刊刻嗣後  
順天武鄉試錄由府尹恭

進各省武鄉試錄送部彙齊恭

進武會試錄登科錄由部刊刻恭

進○二年覆準各省武鄉試將馬步射技勇人材  
可觀者選取別行記注編列好字號內簾閱卷  
先於好字號內取中如不足額再於合式卷內

取中或以好字號或以文章好取中之處於解部

鄉試錄內注明以憑會試察對○七年奏準八

旗副驍騎校前鋒護軍驍騎人等有願應武鄉

試者準其應試○又奏準順天武鄉試及武會

試將雙好字號之人編入東文場坐號單好字

號之人編入西文場坐號歸號之後巡緝官按

號察對倘有不符即行詢究○十一年議準順

天武鄉試及武會試先期行文步軍統領委巡

捕營官二人各帶兵二十名於東西甌門外照

冊點名搜檢放入甌門大興宛平縣官在大門

兩旁照牌點入大門內。仍令搜檢監試御史按名給卷。一切送考人等。不許擁入甄門。○又議準鄉試武生及武會試武舉等齋文赴部。取同省同考五人連名互結。準其入場。無結者不準。頭二場面上所用印記。毋得洗去。倘有頂冒等弊。準互結之人立時舉首。○十二年

諭朕御極以來。於滿漢人材廣開登進之途。冀收得人。之效。是以雍正元年。定有滿洲亦準考試武場之例。今已行之十年。未見有宜用綠旗之才。况滿洲弓馬技勇。遠勝於漢人。將來行之日久。必至科場前列。悉

為滿洲之所占。而滿洲文藝不及漢人。又恐考試內場時。不免有傳遞代作等弊。似於作養人材之道。未。有裨益。著行停止。欽此。○乾隆元年議準。各省監生。

有素習騎射願入武場者。準與武生一體鄉試。其中式者造入武舉冊內。不中者仍歸監生原冊。不準再行改考。○二年議準。馬射步射各少中一矢者。不準入內場。若馬射少中一矢。步射合式。步射少中一矢。馬射合式者。再試技勇。若弓刀石三項皆一等者。亦準其合式。闕一者不準。果有勇力過人。技藝出眾。仍準一體選入好



字號。○又議準武鄉會試三場卷面號印令監  
試提調同受卷彌封等官親用不得假手書吏  
致滋弊端。○又覆準武鄉會試每圍各以御史  
一人監試原為杜弊防姦頭二場考試畢所有  
三場點名冊亦按圍分造令各圍監試御史於  
點名時各認其考試之人倘有頂冒代倩等弊  
即行察究。○三年覆準武鄉會試選取單好字  
雙好字號者皆作暗記密開姓名移送內簾倘  
不慎密以致洩露將外場考試官及監試御史  
交部議處。○四年覆準武鄉會試令提調同監試

各官會試令知武舉同監試各官將外場考試  
冊帶入內場係單好雙好字號於本人交卷時  
將原冊所填馬步射技勇逐一詢問如舉對相  
符者即準給籤放出有一二項相符者亦準給  
籤放出如與原填馬步射技勇全不相符果係  
頂冒照例察究。○六年覆準武鄉會試卷有將  
字號誤印者將承辦官照例察叅外其取中之  
卷於填榜時察對原冊如有合式卷誤印單雙  
好字號者即不準取中若原係單好雙好字號  
誤印合式者仍準取中。○七年覆準文武準其

互試原欲簡拔全材。但日久弊生。夾帶傳遞換卷。均勢所必有。內簾但憑文取中。外簾稽察甚難。應將文武鄉會互試之例。永行停止。○又覆準武鄉會試。外場考試官等。當外場校閱馬步射技勇之時。若商酌稿案。未免妨礙。應俟校閱完畢。於退食之後。再行辦理。至於單好雙好號冊。皆係密記。關係綦重。向將本部同御史號冊。各帶入內場。察對編號。而外場考試官號冊。並不帶入內場。但同係外場公定。亦應一體察閱。嗣後外場考試官號冊。一并封固。帶入內場。以

重關防。○八年奏準。監生向照文生之例。準入武場一次。見在文武互試。既經停止。則監生自不准入武場。但監生原有區別。其由武生捐納者。原係武生出身。應不准入文場。仍照舊準入武場應試。至由廩增附生及俊秀捐納者。槩不准入武場。○九年議準。外場馬射九矢中四步。射九矢中二。方為合式。行之已久。近於中數。已經合式者。不復令其再射。應將中數合式者。亦必令足九矢之數。則選取單好雙好。亦可就中數之多寡。以定高下。○又覆準各省武鄉試考

試外場好字號中亦照順天武鄉試之例分別  
雙好單好三場閱文先盡雙好次及單好如不  
足額再於合式卷內選取○又覆準武場分別  
雙單好字號原欲拔取年力強壯之人乃有舉  
子已過中年氣力就衰明知必不取中偶爾合  
式溷入內場為好字號代作論策是名為舉子  
而實則槍手嗣後遇有實在年屆六十者即不  
準其應試以杜溷冒之弊○又覆準武生有捐  
監生者揆其捐監之情因自顧弓馬不能出眾  
文藝或有可觀故棄武就文安心肄業以圖上  
進應準其入文場應試不得槩入武場○十二  
年奏準捐職武生需次未選願預武鄉試者準  
其應試

一武

殿試事例順治二年題準會試之後於十月舉行  
殿試○又題準會試武舉揭曉後由部將  
殿試策文及考試馬步射弓刀石并傳臚各日期  
擬定具奏

殿試之後恭請

皇上親臨

紫光閣考試第一日先將黃冊陳設

紫光閣

皇上親閱黃冊考試馬射第二日考試步射并開弓  
舞刀掇石第三日將記名之武舉繕名籤進

呈

欽定甲第交讀卷官填榜傳臚如

命王大臣考試將擬在前列者引

見恭候

欽定○又題準

殿試提調官以本部滿漢堂官職名開列讀卷官

四人以內閣吏戶禮刑工五部都察院通政使

司大理寺翰林院詹事府送到各堂官職名開

列監試官以都察院送到御史職名掌卷受卷

彌封官以內閣翰林院詹事府六科送到各官

并本部司官筆帖式職名巡綽官以鑾儀衛送

到各官職名填榜官以內閣送到中書并本部

司官筆帖式職名印卷官以本部司官筆帖式

職名供給官以光祿寺送到各官并本部司官

筆帖式職名各擬定開列均密題請

旨簡用○又題準武進士臚唱行禮畢贊禮官贊舉

榜兵部堂官舉榜出。至階下授司官由中路奉  
至

午門前。跪置龍亭內。行三叩頭禮。鑾儀衛校尉舉  
亭樂部作樂前導。至長安右門外張掛

賜給武狀元盔甲。諸武進士隨出觀榜。巡捕營備繖  
蓋儀從。送武狀元歸第。次日讀卷執事各官及  
諸武進士在部

賜會武燕。其武狀元盔甲及腰刀。撒袋鞞帶靴襪等  
項。并賞給諸進士銀。由部具奏行文工部戶部  
支取。傳臚燕鳴贊作樂。行文樂部光祿寺鴻臚

寺豫備其餘儀注。均與文傳臚同。

一武生童考試事例

國初定京衛武童生。每年春秋二季。由部考試。每  
季取進五十名。直隸各省武童。照文童例。學政  
三年一考。取進多寡無定額。○順治九年題準。  
考試武生童。即於考試文生童後。踵行無武學  
處。附文學教官管轄。除騎射外教。以武經百將  
傳及孝經四書。俾知大義。并將各學射圃。修葺  
置備弓矢。教官率武生童校射。以飭武備。○康  
熙三年題準。京衛武童生。照直省例。歸并學政

榜。兵部堂官舉榜出。至階下授司官。由中路奉  
至。

午門前。跪置龍亭內。行三叩頭禮。鑾儀衛校尉舉  
亭。樂部作樂前導。至長安右門外張掛。

賜給武狀元盛甲。諸武進士隨出觀榜。巡捕營備繖  
蓋儀從。送武狀元歸第。次日讀卷執事各官。及  
諸武進士在部。

賜會武燕。其武狀元盛甲及腰刀撒袋鞵帶靴襪等  
項。并賞給諸進士銀。由部具奏。行文工部戶部  
支取。傳臚燕鳴贊作樂。行文樂部光祿寺鴻臚

寺豫備。其餘儀注均與文傳臚同。

一武生童考試事例。

國初定京衛武童生。每年春秋二季。由部考試。每  
季取進五十名。直隸各省武童。照文童例。學政  
三年一考。取進多寡無定額。○順治九年題準。  
考試武生童。即於考試文生童後踵行。無武學  
處。附文學教官管轄。除騎射外。教以武經百將  
傳及孝經四書。俾知大義。并將各學射圃。修葺  
置備弓矢。教官率武生童校射。以飭武備。○康  
熙三年題準。京衛武童生。照直省例。歸并學政

考取三年一考。共取進百名。○十年題準。直省考取武生。府學額定二十名。大州縣學額定十五名。中州縣學額定十有二名。小州縣學額定七八名。○又覆準。直省考取武童。均照文童例。分別大中小學名數考取。造冊報部。至取中武舉之武生。取具並無詭冒。連名保結。若一人冒進兩途。及見任官子弟。并別省之人。詭名冒籍。匪類濫充頂替者。該督撫據實題參。如不題參。將督撫及原出結官。交部照例議處。○四十二年覆準。湖南各府州縣熟苗。情願考試文武生。

童者。準以民籍應試。入於各該學定額內取進。○四十四年覆準。湖北湖南各土司。情願考試者。準照熟苗生童例一體考試。○五十年議準。童生籍貫假借者。不準應試。已入學者。褫革。如祖父入籍二十年以上。及墳墓田宅有據者。準其應試。○雍正元年覆準。八旗漢軍。及大宛二縣武童考試外場時。由部將八旗副都統職名。開列具題。請

簡一人。會順天學政考試。直省武童由督撫提鎮將就近副將叅將遊擊內。選委一人。會學政考試。

奉天武童由將軍選委協領一人會府丞考試各將武童內弓馬嫻熟技勇優長者多行選取學政即將選取之人考試策論擇其優者取進入學○三年覆準京衛武學改為順天府武學○四年題準裁順天武學漢軍武生歸滿洲教官管轄大宛兩縣武生歸順天府教官管轄○五年覆準嗣後武生與文生一體按期督課如有騎射不堪文理荒疎以及品行不端者許該教官詳請學政褫革○又覆準武生歲考如年老不能騎射者即給予衣頂歸州縣管轄○七

年覆準應試武童騎射合式者用合式號記印面如無合式號記者不準入場其中如有技勇人材可觀者用好字號印卷內場考試時先盡好字號擇其文理明通者取進如好字號不足額數再於合式卷內取進但既編設好字號則外場重於內場倘校閱不公濫用印記照考試藝業不實例降一級調用○又議準新進武童新案到學該教官造冊移送同城武職每月定期會同考驗弓馬如抗不赴考託故規避移學示儆其生事犯法者詳請革究如武職無故違



誤考期致諸生守候者罰俸兩月○八年議準武生文藝尚優不能騎射情願告退者準其告退與文章一體考試○九年覆準武童考試外場時每人給親供單一紙各令親書籍貫三代年貌俟取進時再令覆填親供驗對筆跡至考試內場日將好字號武童與合式武童分別坐號以杜倩代之弊○十年覆準武生歲試照例先考外場將武生馬步射技勇人材可觀者於卷面鈐記好字合式者鈐記合式字又次者鈐記中等字以憑內場比較等次并於考試外場

時令自填親供若磨對字跡不符實係頂替倩代即行褫革咨部除名○又議準文武原屬一體新進文章在學肄業既有限期俟有下案新生為滿其新進武童送營考驗者亦照新進文章之例以下案新生到案為滿若舊案武生有情願力圖學習者聽其與新案武生一同考校○十一年具奏各省武生舉優令該學政出具考語題明送部升入太學準作監生奉

旨各省保送優生內若有武生於到部時禮部考試文藝兵部考試騎射即行具奏請旨○十二年覆準大

宛兩縣武童。照文章之例。由縣審音。考試畢發案。造冊送府丞考試。府考發案。造冊送學政考試。其縣府原卷。合訂以備察對。如武童內有不經由縣府兩試者。學政不得收考。○又覆準。學政下馬。即封門考試。先文生。次文章。將文案發過。然後考試武生童。先考騎射。次考論。○又覆準。學政考取武生童騎射。該督撫提鎮不得委本籍武職會同考試。或同城武職。皆係本籍之人。即於附近別府之副將。參將。遊擊。內調委一人。會同考試。○又議準。地方官若有不公不法。

凌辱士子。生童等身受其害者。準其赴該管上司衙門控告。秉公審理。如控告屬實。即將地方官參處。屬虛。將該生童等治以誣妄之律。倘該上司袒護地方官。不即準理。或剖斷不公。將該上司議處。若有豪橫之徒。逞其私忿。聚眾罷考。脅制官長者。審實。照例分別首從治罪。其逼勒同行罷考之武生。褫其衣頂。武童記名。停其考試。如合邑合學同罷考。武生全褫衣頂。武童全停考試。已經懲治之後。果能洗心滌慮。改過自新。該督撫會同學政。察實具題請

旨。倘學政市恩邀譽。暗中寢息。或將罷考案內之人。濫行收考。并該督撫通行徇隱。以及董率無力。不能約束之教官。一并交部處分。至生童罷考之時。或有同城武職。從中調處寢息其事者。罰俸一年。○十三年奉

旨。文武生員。名列膠庠。各應專心舉業。嫻習技藝。以圖上進。豈可又挂名營伍。若已經入伍之兵。如有粗知文義。願應考試者。原有準入武場一體鄉試之例。不必又附名學校。若以一身而兼顧兩途。必且互相牽制。轉致兩誤。嗣後文武生員。一槩不許濫收入伍。如

故違成例。一經察出。即將該營將并該學教官。一并題參議處。○又奏準。八旗漢軍教養兵。如有情應試

者。準與武童一體應試。○乾隆元年議準。武生該學政於歲試時。隨棚舉報優劣。一次造冊送部。仍俟三年任滿彙題。至科試時。不必舉報優劣。其有抗糧唆訟。行止不端者。仍許各地方官隨時詳報。大過請革。小過分別戒飭。○三年議準。武生童首重騎射。學政會同武職考試。原欲其秉公詳慎。不滋弊竇。但營伍舊制。副叅遊等籍隸本省者。祇迴避五百里。若於考試之時。仍

以本省武職校射誠恐故舊姻朋彼此相連不免夤緣請託應令各省督撫提鎮於考試時將校射副叅遊等官均用別省籍貫之人凡籍隸本省者不得選委○四年覆準各省會同學政校射之武職奉到委文之日加謹關防封門迴避該提調官留心察訪不得與本地人士私相往來以及家人兵丁私自出入俟考試既畢照常辦事○五年奏準武生情願告給衣頂者除篤疾之人照例令該學教官據實具詳準給衣頂外其有以年老告給衣頂者察其入學已經

三十年無論衰病與否均為合例或入學雖不滿三十年而其年已及七旬者亦為合例統令呈明該學教官察驗確實出具印結申詳學政即準給予衣頂不必親赴學政衙門候驗○又覆準武生降為青社者如未滿十科不準給予衣頂其入學已及三十年并年屆七十者雖未滿十科亦準給予○又奏準緣事褫革武生除包攬詞訟武斷鄉曲及一切實係本身重犯於律無可貸者仍永行褫革外其因人連累并本身事犯情有可原及罪在杖一百以內革後能

改過自新者均準以原名應童生試。曾捐監生者亦許以原名復捐。其褫革武舉有似此情節願考試者亦準其一體應童生試。以圖上進。俱令取具里鄰甘結。報明地方官及教官。查明加結申送學政。如有隱匿重情。蒙溷濫邀者。仍應斥退。其應行收考者。毋許地方士庶挾嫌告訐。○六年奏準。武職有將文武生員濫收食糧者。罰俸一年。○八年覆準。武童額進一名。準府試取二十名。送學政照額選取。如有逾數多送者。照文章之例。許學政裁去。不準收考。○又覆準。

武生原以外場爲重。若照文生年屆七十方準給予衣頂。則頽頽白髮之人。張弓挾矢。萬難努力。嗣後實在年屆六十者。雖未滿十科。亦準給予衣頂。○又覆準。各省文鄉試如五等文生不敷對讀。即兼用四等武生。對讀之後。免其錄遺。準入武場鄉試。○十年奉

旨。直省文武生員。三年歲考一次。若臨場不到。即行黜革。其游學患病。皆取結開報。限三月內補考。近聞各處士子。有任意遷延。屢次欠考者。此風漸不可長。嗣後除無故臨點不到。即行黜革外。凡係病

假生員。其上屆開報者。下屆果係游學未歸。患病未痊。該教官察驗確實。再行詳請展限。一俟病痊回籍。即送補考。如欠至三次以外。不準展限。竟行黜革。倘有扶同捏報。不行詳請展限者。該學政嚴察將教官叅處。以專責成。

一八旗考試事例。原定八旗考文章生。文舉人。由部將內大臣。大學士。尚書。都統。護軍統領。職名。開列具奏。請

簡四人監試騎射。考文進士。由部將內大臣。大學士。都統職名。開列具奏。請

簡二人監試騎射。考筆帖式。及繙譯童生舉人進士。由部將領侍衛內大臣職名。開列具奏。請

簡二人監試騎射。均擇其能合式者。準入內場考試。其奉天八旗考文章。文生。由該將軍副都統等。驗其騎射能合式者。送該府丞考試。○雍正七年議準。八旗考文生員舉人進士者。於未考騎射之先。每旗委叅領一人。每叅領下委賢能官一人。令其送考。本佐領內管領下。各委領催一名。率領應試之人。與委出之叅領等。令其識認。各旗將所委送考識認叅領等職名。同應試名

冊。一併咨送禮部存案。由禮部造冊送部。傳集  
叅領等察對名冊。及試騎射入場之時。該叅領  
等親身識認送考。如叅領等本身不到者。各罰  
俸一年。領催鞭五十。



